



## Langileak Kudeatzeko zuzendariaren 2021eko abenduaren 10eko ebazpena, Hezkuntza Saileko Garbiketa eta Sukaldaritzako pertsonalaren zerrenda urtero birbarematzeko prozedura irekitzen duena.

Dagoeneko Garbiketa eta Sukaldaritzako zerrendetan daudenentzat urteroko birbarematze-aldia irekitzea du ebazpen honek helburu.

### 2022-2023 BIRBAREMAZIOA.

**LEHENA.** Urtero, birbarematze-aldiarekin bat etorrita, egiten zaie Sail honetako Garbiketa eta Sukaldaritzako zerrendetan dauden ordezkogaiei zerrenda horietan aldaketak egiteko eskaintza; halaber, izango dute datorren ikasturteko dei guztiei uko egiteko aukera, hori guztia indarreko hitzarmen kolektiboak III. eranskinean xedatutakoaren arabera.

**BIGARRENA.** Ordezko gaien fitxak web orri honetan daude eskura: <https://hezigunea.euskadi.eus/eu/>

Fitxetan, datu pertsonalak ez ezik, zonalde bakoitzean egiaztatutako zerbitzu-denborak (2021eko abuztuaren 31ra arte zenbatuak) eta aukeratutako lanaldien erregimena ere ematen dira. Halaber, pertsona horrek ikasturte osorako dei guztiei uko egin dien konkratatzen da fitxan.

<https://www.euskadi.eus/gobierno-vasco/departamento-educacion/> (Atala: Lan-arloak→Pertsonala→Ordezkapenak egiteko ordezkogaiak→Pertsonal ez irakaslea→Garbiketa eta Sukaldaritza. Birbaremazioa) web orria izango da, deialdi honen helburu diren aldi baterako kontratatutako Sukaldaritzako zerrendei begira, emango diren ebazpenak eta hartzaile anitzentzako egintzak argitara eman edo jakinarazteko bitartekoa.

Fitxan agertzen diren datuak abenduaren 5eko 3/2018 lege organikoak, datu pertsonalak babesteari eta eskubide digitalak bermatzeari buruzkoak, xedatutakoaren arabera erabiltzeko berariazko baimena emango du fitxen aldaketak. Informazioa izaera pertsonaleko datuen fitxategi batean sartuta egongo da eta fitxategi horretara sartzeko datuak zuzentzeko, ixteko eta aurkatzeko eskubideak erabili ahal izango dira, une orotan eta lege horrek eta garatzen duen gainontzeko araudiak xedatutako terminoetan.

**HIRUGARRENA.** Ordezko gaiak fitxetan egin nahi dituzten aldaketa guztiak aplikazio telematikoaren bidez egin beharko dira. Ondorengo web orrian zehaztuta dagoen gida bat dute ordezkogaiek eskura: <https://www.euskadi.eus/gobierno-vasco/departamento-educacion/> (Atala: lan-arloa→Pertsonala→Ordezkapenak egiteko ordezkogaiak→pertsonal ez irakaslea→ Garbiketa eta Sukaldaritza. Birbaremazioa).

**LAUGARRENA.** Prozesu horretan, lehen aldiz zenbatuko dira garbiketa-zerrendan Hezkuntza Saileko atezain zaindari gisa egiaztatutako zerbitzu-denborak.

Kontua hartu beharreko gaiak:

Datu pertsonalak: Ordezko gai bakoitzak izango du bere fitxan agertzen diren datu pertsonalak (helbidea, posta elektronikoa edo telefonoa) aldatzeko aukera.

Libre egotea. Egon nahi duen zonaldeak eta lanaldi osoa edota partziala aukeratu ahal izango ditu ordezkogai bakoitzak, zerbitzuak dituen edo ez alde batera utzita; ondorioz, zerbitzuak ematera edozein zonaldean eta lanalditan deitu ahal izango zaio.

Uko egitea. Aukera hau behar den laukian adierazi beharko da eta, kasu horretan, ez da datorren ikasturte osoan inolako eskaintzarik/deirik egingo. Egoera horretan beste bi urtetan egon ahal izango da eta, ondorengo bi birbarematzeetan zerrendetan ohiko alta eskatzen bada, zonalde bakoitzean egiaztatuta zegoen zerbitzu-denbora berreskuratuko da.

Zerrendetatik at uztea: 2019/20ko, 2020/21eko eta 2021/22ko ikasturteetan ikasturte osorako uko egitearen egoeran egon diren ordezkogaiek aplikaziora, 2022/23ko ikasturterako uko egitearen aukera kentzeko, sartu beharko da. Horrela egin ezean, zerrendatik kenduko zaizkie.



Emandako zerbitzuen erreklamazioa: fitxan agertzen diren zerbitzuen guztizkoarekin ados egon ezean, urtarrilaren bigarren hamabostaldian argitara emango den behin-behineko ebazpenean xedatuko da erreklamatzeko epea.

**BOSGARRENA.** Fitxa aldatzeko epea. 2021eko abenduaren 13ko 09:00etatik 2022ko urtarrilaren 10ko 23:59ra bitartean, biak barne, aplikazio informatikoaren bidez.

Ordezko gaiak nahi adina aldiz sartu ahal izango dira aplikaziora, kontsultak egin edo aldaketak egiteko, birbarematzeko epea irekita dagoen bitartean. Gordetako azken aldaketak ondorioak izango dituztenak izango dira.

Fitxetan aldaketarik egin ezean, 2021-2022ko birbarematzearen datuak hartuko dira kontuan.

Horregatik guztiagatik, otsailaren 23ko 71/2021 dekretuak (martxoaren 5eko 47. Zk.ko EHAA) 10. artikuluan ematen dizkidan eskuduntzez baliatuz,

### **EBAZTEN DUT:**

**LEHENA.**- Garbiketa eta Sukaldaritzako kolektiboan zerbitzuak egiztatzeko dituen aldi baterako lan-legepeko pertsonalaren 2022-2023 ikasturteko birbarematze-prozesua. <https://hezigunea.euskadi.eus/eu/> web orrian eskura dauden fitxetan egin ahal izango dira aldaketak, 2021eko abenduaren 13ko 09:00etatik 2022ko urtarrilaren 10eko 23:59ra arte. Aldaketarik egin ezean, 2021-2022ko birbarematzearen datuak hartuko dira kontuan.

**BIGARRENA.**- Urtarrilaren bigarren hamabostaldian ebazpen berri bat ematea. Ebazpen horretan 2022/2023ko ikasturtean aldi baterako premiak betetzeko Garbiketa eta Sukaldaritzako zerrendak osatzen dituzten ordezko gaien zerrenda emango da argitara, ikasturte horretan zerbitzuak emango dituen pertsonala birbarematzeko prozesuaren ondorioz. Ebazpen hori behin-behineko zerrendekin batera emango da argitara: <https://hezigunea.euskadi.eus/eu/>.

Vitoria-Gasteizen, 2021eko abenduaren 10ean

**LANGILEAK KUDEATZEKO ZUZENDARIA**

**BLANCA GUERRERO OCEJO**